

Uppskriftir úr landamerkjabók N-Múlasýslu

Efnisyfirlit

	bls.
1. Dvergasteinn í Seyðisfirði	1-2
2. Hjaltastaður í Útmannasveit	3-4
3. Dalir í Útmannasveit	5
4. Sandbrekka í Útmannasveit	6-7
5. Hrafnabjörg í Útmannasveit	8
6. Kóreksstaðir í Útmannasveit	9-10
7. Ítakalýsing Njarðvíkur við Borgarfjörð	11
8. Bakki-Bakkagerði í Borgarfirði	12
9. Gilsárvellir í Borgarfirði	13
10. Hólaland í Borgarfirði	14
11. Brúnavík í Víkum	15
12. Njarðvík við Borgarfjörð	16
13. Unaós í Útmannasveit	17
14. Glettinganes í Víkum	18
15. Brimnes í Seyðisfirði	19
16. Stóra-Breiðavík í Víkum	20
17. Sævarendi í Loðmundarfirði	21
18. Desjarmýri í Borgarfirði	22-24
19. Álftavík í Víkum og Nes í Loðmundarfirði	25-26
20. Húsavík í Víkum	27-28
21. Hrafnkelsstaðir og Vallholtt í Fljótsdal	29-30
22. Hvalvík í Víkum	31
23. Hvannstóð í Borgarfirði	32
24. Kjólsvík í Víkum	33
25. Litla-Breiðavík í Víkum	34-35
26. Vestdalur í Seyðisfirði	36
27. Ytri-Viðivellir í Fljótsdal	37



Jörð: **Dvergasteinn, Seyðisfjarðarhreppur, N-Múlasýsla**
 Landamerkbók: N-Múlasýsla Landamerkbók (1883-1953), bls. 14-15
 Tilvísun: ÞÍ. Sýslumaðurinn í N-Múlasýslu 0000-044 DC/1-1-1

Nº 10/1884

Dvergasteinn með hjáleigunni Selstöðum:

Landamerki eru: hið ytra milli Dvergasteins og Brimness „í Markhelli“, og er krossmark klappað í innri Markhellubrún við sjóinn, en þaðan ræður sjónhendinga lína upp í fjallsbrún, utanvert við hæztu egg þar upp af. Hið innra ræður landamerkjum til móts við Vestdal, samkvæmt merkjadómi frá 26. september 1883, hin svo kallaða innri-Grýtuá.

Dómsatkvæðið hljóðar þannig:

„Ár 1883, miðvikudaginn 26. september, var á Vestdalseyri aukaréttur Norður-Múlasýslu settur og haldinn af sýslumanni Einari Thorlacius með meðdómsmönnum Sigurði Jónssyni, Stefáni Einarssyni, Birni Halldórssyni og Birni Hermannssyni; var þar í málinu:

Jón prestur Bjarnason fyrir hönd Dvergasteinskyrkju

gegn

Einari Hinrikssyni, bónda í Vestdal

út af ágreiningi um landamerki uppkveðinn svo látandi

dómur:

Því dæmist rétt að vera:

Þrætu tunga sú, sem kennd er við Grýtuáreyri og liggur milli samnefndra áa, á að vera eign Dvergasteinskyrkju, þannig, að hin svonefnda innri-Grýtuá skal ráða landamerkjum milli jarðanna Dvergasteins og Vestdals, frá sjó innan við hús B. Nagels Norðmanns upp eptir hinum gamla árfarvegi fyrir utan nýbýlið Eiríksstaði, þaðan skáhallt upp í „Grafgil“ eptir sjónhending þar sem það endar uppí fjallshlíðinni, síðan upp eptir ~~nefndu~~ þessu gili beina stefnu þar til vötnum hallar.

Einar Thorlacius.

Sigurjón Jónsson.

Stefán Einarsson.

B. Halldórsson.

Björn Hermannsson.“

Dvergasteinskyrkja á Hjálmárströnd alla í Loðmundarfirði í milli Hjálmár og Grímkelsgils, og eru þessi landamerki skýrt mynduð af náttúrunni og geta því aldrei orðið vafa undirorpin. Sömuleiðis þessi ítök: „reka milli Hamarsnefs og Gullsteins“ – þau örnefni bæði til og vafalaus í Þórarinsstaðalandi, enn fremur „reka milli Þórisvogs (vængs) og suður að Stáli“ í Skálanesslandi og vervist á Sleitunausti (í Brimnesslandi) með öllum flutningi (afflutningi). – Samkvæmt

Þetta er stafrétt uppskrift úr frumheimild. Sé ósamræmi á milli uppskriftar og frumheimildar, gildir frumheimildin.



máldögum Vilchins og Gísla (1397 og 1575), kaupbréf frá 1666 og lögfestu þinglýstri frá 1849, auk hins áðurnefnda merkjadóms.

Seyðisfirði 3. júní 1884.

Jón Bjarnason

til nærkomandi fardaga kst. prestur í Dvergasteinsprestakalli. –

Þessum landamerkjum erum við undirskrifaðir samþykkir.

Einar Hinriksson bóndi í Vestdal.

Einar Eiríksson bóndi á Sævarenda.

Lesið fyrir manntalsþingsrétti að Dvergasteini hinn 10. júní 1884 og innfært í landamerkjabók Norður-Múlasýslu bls. 14-15.

Einar Thorlacius.

Gjald til landsjóðs:

a. þinglýsing	0,75
b. bókun	0,25
	1 – ein króna.
	E.Th.



Jörð: **Hjaltastaður, Hjaltastaðarhreppur, N-Múlasýsla**
 Landamerkjabók: **N-Múlasýsla Landamerkjabók (1883-1951), bls. 44-45**
 Tilvísun: **ÞÍ. Sýslumaðurinn í N-Múlasýslu 0000-044 DC/1-1-1**

Nº 52/1884.

Landamerki Hjaltastaðar og aðliggjandi jarða.

1. Milli Hjaltastaðar og Rauðholts: Frá Selfjóti á ytri Forvaða framan við Víðirnes beint yfir Forvaðaöxl og Stekkhöfða utanverðan á Merkihnjúk. Þaðan beint yfir Rauðholtsdal, Miðþrep, Breiðablá og Litla-Hólma í opið á Geitabjargadal; þar næst upp með læk í dalnum þangað til kemur að svo kölluðu neðra Merkiþrepi.
2. Milli Hjaltastaðar og Ánastaða: Úr Geitabjargardal yfir Merkiþrep neðra og efra, yfir Merkiker og Miðáshæð utan undir Brattahöfða beint austur í Kúabotnahöfða utan verða. Þaðan yfir Staðará beint á fremsta Hrígustaðaklett yzt, upp utan undir Stóru- Kinn og í Grenisöxl utanverða. Þaðan beint yfir Vallará í Hrírárbug, þar sem Hrírá kemur af hálsun ofan.
3. Milli Hjaltastaðar og Kóreksstaða: Mörkum ræður Hrírá úr Hrírárbug allt í Hríráró. Þaðan liggja merkin beint yfir klett í Markmó að Staðará í framanverðan hvamm austan við ána, þar sem Grafargerðislækur kemur í ána að vestan.
4. Milli Hjaltastaðar og Jórvíkur. Frá Staðará eptir gömlu garðlagi í Sauðahraunamýri beint utan undir Kýrhöfða, yfir Lækjardal og Miðenni utan undir Kolluhrauni, yfir Magnúsarvörðuás beint í Merkivík, yfir Húsaklett og Miðhala beint á gamalt garðlag á austari Selfjótsbakka.
5. Milli Hjaltastaðar og Hrollaugsstöða: Merkjum ræður Selfjót.
6. Milli Hjaltastaðar og Bóndastaða: Merkjum ræður Selfjót.
 Hjaltastaður á ennfremur afréttarlandið Hraundal að framan og Kyrkjutungur. Ræður þar mörkum að utan Bjarglandsá, að ofan efstu fjallaeggjar, að framan bein stefna úr ytri Botndalsfjallsröð yfir Kolluups að Hölná; og að neðan Hölná.

Þessi merki samþykkjum vér undirskrifaðir:

Stefán Pétursson, prestur á Hjaltastað.

Ármann Egilsson, bóndi í Rauðholti.

Jón Magnússon, bóndi á Ánastöðum.

Björn Einarsson, bóndi á Kóreksstöðum.

Páll Ólafsson umboðsmaður.

Eiríkur Vilhjálmsson, R. Daníelsson, Ásgrímur Guðmundsson bændur í Jórvík.

Magnús Einarsson, M. Jónsson, Ísleifur Sæbjörnsson búendur á Hrollaugsstöðum.

Bjarni Pálsson á Bóndastöðum

Halldór Magnússon á Sandbrekku

Magnús Jónsson á Hríjót

Magnús Rafnsson á Hamragerði.



Lesið fyrir manntalsþingsrétti að Hjalastað 2. júlí 1884 og innfært í landamerkjabók Norður-Múlasýslu bls. 44-45.

Einar Thorlacius.

Gjald til landsjóðs:

- | | |
|---------------|------------------------|
| a. þinglýsing | 0,75 |
| b. bókun | 0,25 |
| | = Kr. 1,00 – ein króna |
| | E.Th. |



Jörð: **Dalir, Hjaltastaðarhreppur, N-Múlasýsla**
Landamerkjabók: N-Múlasýsla Landamerkjabók (1883-1951), bls. 46
Tilvísun: ÞÍ. Sýslumaðurinn í N-Múlasýslu 0000-044 DC/1-1-1

Nº 53/1884

Landamerkjaskrá fyrir landamerkjum Dala og nærliggjandi jarða: Milli Kóreksstaða og Dala: Úr Söðulkletti við Bjarglandsá beina stefnu í vörðu á nyrðri Mannsás, þaðan beint í vörðu á Vörðuhrauni, þaðan beint í vörðu í Krossblá, frá þeirri vörðu beint í Kerlingu, frá Kerlingu beint í Sellækjarós; þaðan skilur Bjarglandsá Sandbrekkuland og Dalaland frá Sellækjarósi og inn á móts við Söðulklett.

Dölum, 2. dag júlímánaðar 1884

Jón Einarsson eigandi Dala.

Halldór Magnússon eigandi Sandbrekku

Björn Einarsson bóndi á Kóreksstöðum.

Lesið fyrir manntalsþingsrétti að Hjaltastað, 2. júlí 1884 og innfært í landamerkjabók Norður-Múlasýslu, bls. 46. –

Einar Thorlacius.

Gjald til landsjóðs:

- | | |
|---------------|------------------------|
| a. þinglýsing | 0,75 |
| b. bókun | 0,25 |
| | = Kr. 1,00 – ein króna |

E.Th.



Jörð: **Sandbrekka, Hjaltastaðarhreppur, N-Múlasýsla**
 Landamerkjabók: N-Múlasýsla Landamerkjabók (1883-1951), bls. 46-47
 Tilvísun: Þí. Sýslumaðurinn í N-Múlasýslu 0000-044 DC/1-1-1

Nº 54/1884.

Landamerkjaskrá: Landamerki milli jarðarinnar Sandbrekku og nærliggjandi jarða: Sandbrekka á land fyrir framan bæ upp við Bjarglandsá úr Sellækjarós, rétta stefnu í svokallaða Kerlingu, sem er jarðfastur steinn, er stendur á grasjaðri vestan við Arnarsetuhvamm; þaðan beina stefnu ofan blána allt í garð þann, er liggur í Kóreksstaðakíl, á hverjum stendur varða við Kíllinn; þaðan ræður Kíllinn kringum svokallaðan Stekkhólma að sunnan og vestan allt í Selfljót, sem ræður að norðan og utan; í fljótinu eru hólmar, er Sandbrekka á og nefnast Flathólmar og Oddahólmi. –

Millum Sandbrekku og Hrafnabjarga: Úr téðu Selfljóti upp svokallaðan Bol, eður gamlan farveg Jökulsár allt í hana sjálfa og ræður hún svo landamerkjum að utan, allt í Jökul, er liggur undir Dyrfjalli; þaðan eptir háeggjum sem vötn falla til beggja hliða allt inn á Hraundalsvarp og ofan aptur Hraundalinn eptir sem Bjarglandsá rennur úr eptir.

Sandbrekku, 20. júní 1884.

Halldór Magnússon, eigandi Sandbrekku

Stefán Árnason eig. Gagnstaða og Hrafnabjarga

Jón Einarsson eigandi Dala.

Björn Einarsson bóndi á Kóreksstöðum

Þorkell Bjarnarson bóndi á Klúku.

Rekamörk Sandbrekkusands:

1. Milli Sandbrekkusands að norðan og Gagnstaðarsands að austan, þegar maður stendur í meðal flóðgöngu, á há kollur á Svertlingum að bera mitt á milli tveggja grárna ráka í Ósbjargi fyrir innan Selvogsnes og kallaður hefur verið stigi. –
2. Milli Sandbrekkusands að austan og Kliptasands að norðan, þar sem yzta Kliptin í Hrafnabjargafjalli gefur sig frá Valsungaendanum, svo aðeins sjáist í lopt á milli; þar byrjar Kliptasandur.
3. Milli Kliptasands að austan og Eyrareka að norðan, þá er Stórásendi upp af Hlaupandagerði hverfur undir Hrafnabjargið, svo ekki verður að deilt hvort frá öðru; þar byrjar Eyrarreki, en Selfljótsós ræður að austan. –

Halldór Magnússon eig. Sandbrekku.

Stefán Árnason eigandi Gagnstaðarreka og umsjónarmaður Klyptasands.

Lesið fyrir manntalsþingsrétti að Hjaltastað 2. júlí 1884 og innfært í landamerkjabók Norður-Múlasýslu bls. 46-47.

Þetta er stafrétt uppskrift úr frumheimild. Sé ósamræmi á milli uppskriftar og frumheimildar, gildir frumheimildin.



Einar Thorlacius.

Gjald til landsjóðs:

- | | |
|------------------------|------|
| a. þinglýsing | 0,75 |
| b. bókun | 0,25 |
| = Kr. 1,00 – ein króna | |
| E.Th. | |



Jörð: **Hrafnabjörg, Hjaltastaðarhreppur, N-Múlasýsla**
 Landamerkjabók: **N-Múlasýsla Landamerkjabók (1883-1951), bls. 47-48**
 Tilvísun: **Þí. Sýslumaðurinn í N-Múlasýslu 0000-044 DC/1-1-1**

Nº 55/1884.

Landamerki Hrafnabjarga og aðliggjandi jarða:

1. Milli Óss og Hrafnabjarga ræður Knarará alla leið frá Selfljóti upp í svo nefnd Geldingaskörð, þaðan inn eggjar til upptaka Urðardalsár, ræður þá nefnd á landamerkjum af egg ofan Urðardal.
2. Þar er aðliggjandi Sandbrekkuland og rennur Urðardalsá í svo nefnda Jökulsá, sem ræður landamerkjum ofan fjallið þar til ofan á sléttlendi; þá ræður sá forni farvegur Jökulsár þaðan eins og hann liggur norðvestur í Selfljót – sá áður nefndi forni farvegur Jökulsár er nefndur Bolur. – Selfljót að norðan aðskilur Hrafnabjargaland frá landi Eyjabæja.

Til staðfestu eru okkar undirskriftuð nöfn.

Skrifað 7. maímán. 1884.

Stefán Árnason eigandi Hrafnabjarga.

Halldór Magnússon eig. Sandbrekku.

B. Jónsson umráðamaður Vallaness.

Þorsteinn Þorleifsson bónda á Ósi.

Lesið fyrir manntalsþingrétti að Hjaltastað, 2. júlí 1884 og innfært í landamerkjabók Norður-Múlasýslu, bls. 47-48.

Einar Thorlacius.

Gjald til landsjóðs:

- | | |
|---------------|------------------------|
| a. þinglýsing | 0,75 |
| b. bókun | 0,25 |
| | = Kr. 1,00 – ein króna |

E.Th.



Jörð: **Kóreksstaðir, Hjaltastaðarhreppur, N-Múlasýsla**
 Landamerkjabók: **N-Múlasýsla Landamerkjabók (1883-1951), bls. 48-49**
 Tilvísun: **Þí. Sýslumaðurinn í N-Múlasýslu 0000-044 DC/1-1-1**

Nº 56/1884.

Landamerki Kóreksstaða og aðliggjandi jarða:

1. Milli Kóreksstaða og Ánastaða: Bein stefna úr Hölknárós, þar sem hún rennur í Bjarglandsá yfir Hvannafell og í Hrísfoss, eptir það ræður Hrísa í Hrísrbug.
2. Milli Kóreksstaða og Hjaltastaðar: Merkjum ræður Hrísa úr Hrísrbug allt í Hrísrós. Þaðan liggja merkin beint yfir klett í Markmó að Staðará í framanverðan hvamm austan við ána, þar sem Grafargerðislækur kemur í ána að vestan. –
3. Milli Kóreksstaða og Jórvíkur: Merkjum ræður Staðará alla leið í Selfjót.
4. Milli Kóreksstaða og Klúku: Merkjum ræður Selfjót úr Staðarársós allt í Sandbrekkukílsós.
5. Milli Kóreksstaða og Sandbrekku: Merkin liggja úr Sandbrekkukílsós, eptir Kílnum allt að vörðu við Kóreksstaðakíl, þaðan beint í vörðu í Krossblá og beina stefnu í vörðu á Vörðuhrauni.
6. Milli Kóreksstaða og Dala: Merkjum ræður bein stefna úr vörðu á Vörðuhrauni á neðri Mannsás, þaðan beinlínis í Söðulklett við Bjarglandsá.
7. Milli Kóreksstaða og Sandbrekkuaféttar: Merkjum ræður Bjarglandsá.

Þessi merki samþykkjum vér undir skrifaðir.

Í apríl og maí mánuðum 1884

Jón Magnússon á Ánastöðum.

Björn Þorláksson prestur á Hjaltastað.

Eiríkur Vilhjálmsson bóndi í Jórvík.

Þorkell Bjarnarson bóndi á Klúku.

Halldór Magnússon eigandi Sandbrekku.

Jón Einarsson eigandi Dala.

Björn Einarsson, bóndi á Kóreksstöðum.

Rekamörk fyrir Kóreksstaðasandi.

Undirskrifaðir hafa samþykkt þessi rekamörk, nefnil. milli Kóreksstaðasands að austan, Kóreksstaðasands að norðan: maður skal standa í meðalflóðgöngu og þá svonefnd Miðþúfa miðuð á norðvestanverða Dalafjallsbrún, þar sem hún er hæst og nefndur er Snasi. Austurmörk Kóreksstaðasands við Gagnstaðarsand eru þessi: maður skal standa í meðal flóðgöngu, og þar á sandi sem Sönghofsfallið er orðið svo hátt að það hylur Dyrfjallstindinn upp að svokölluðu Sæti, sem er efst á tindinum, eru mörkin.

Takmörk milli rekaeigenda og landeiganda í rekalegu tilliti eru bein lína um yztu Melþúfur þar sem mellandið fer að þéttast utanvert við Lónaleirur allar.

Þetta er stafrétt uppskrift úr frumheimild. Sé ósamræmi á milli uppskriftar og frumheimildar, gildir frumheimildin.



Sigurður Hallgrímsson, Sigríður Árnabjarnardóttir, eigendur Ketilsstaðasands.

Stefán Árnason umsjónamaður Ketilsst.sands.

Ármann Egilsson í Rauðholti hreppsnefndaroddviti.

Björn Einarsson bóndi á Kóreksstöðum.

Lesið fyrir manntalsþingsrétti að Hjaltastað 2. júlí 1884 og innfært í landamerkjabók Norður-Múlasýslu, bls. 48-49.

Einar Thorlacius.

Gjald til landsjóðs:

a. þinglýsing	0,75
b. bókun	0,25
	= Kr. 1,00 – ein króna
	E.Th.



Jörð: **Njarðvík, Borgarfjarðarhreppur, N-Múlasýsla**
Landamerkjabók: N-Múlasýsla Landamerkjabók (1883-1951), bls. 54
Tilvísun: ÞÍ. Sýslumaðurinn í N-Múlasýslu 0000-044 DC/1-1-1

N^o 62/1884.

Ítakalýsing kyrkjunnar í Vallanesi frá prófasti séra B. Jónssyni, dags. 13. febr. þ.á., svörum vér á þessa leið:

Sjá má af skjölum Njarðvíkurkyrkju að Vallaneskyrkja á ¼ af hvalreka í Gripdeild. En enginn veit hér hvar Eyri og Drangur er, en Kamb þekkja menn að er til. Sama er um Teistuvog og Spakárdal að menn vita eigi um þau örnefni. –

Vér samþykkjum því fjórðung hvalreka í Gripdeild, en hin ítökin eigi. –

Njarðvík, 27. Febrúar 1884

Njarðvíkureigendur.

Lesið fyrir manntalsþingsrétti að Hjaltastað, 2. júlí 1884 og innfært í landamerkjabók Norður-Múlasýslu, bls. 54.

Einar Thorlacius.

Gjald til landsjóðs:

a. þinglýsing	0,75
b. bókun	0,25
	= Kr. 1,00 – ein króna
	E.Th.

Athugasemd:

Ítakalýsingin er ógild af því engir nafngreindir menn standa undir henni. ETh.



Jörð: **Bakki og Bakkagerði, Borgarfjarðarhreppur, N-Múlasýsla**
 Landamerkbók: **N-Múlasýsla Landamerkbók (1883-1951), bls. 57-58**
 Tilvísun: **Pl. Sýslumaðurinn í N-Múlasýslu 0000-044 DC/1-1-1**

N^o 68/1884

Landamerki Bakka með Bakkagerði: Landamerki milli Bakka, Bakkagerðis og Geitavíkur eru þessi: Merkilækurinn frá sjó upp í Tjarnarbotna og úr honum þar beint upp í vörp framanvið Geitavíkurpúfu. Að neðan er Fjarðaráin landamerki. Að framan: Úr Grænutópt upp í Merkiþúfuna á Móunum, úr henni bein stefna í yzta Grjótárbug, svo ræður Grjótáin upp í Brandsbalalækjarósinn, svo er Brandsbalalækurinn landamerki upp úr Brandsláginni, og svo beint úr honum upp í Grjótárgilið, svo er Grjótáin merkilína upp í fjallavörpin. Að ofan eru efstu fjallavörp landamerki, frá ytra Dyrfjalli út undir Geitavíkurpúfu.

Ítök eða önnur hlunnindi vitum við eigi að aðrar jarðir eigi hér í, eða fyrir þessum jörðum okkar og eig heldur þær í annara jörðum eða fyrir þeim.

Bakka, 24. maí 1884.

Stefán Benediktsson, Þorvarður Stefánsson, Egill Árnason eigendur og ábúendur Bakka.

Gísli Jónsson með eig. Jökulsár.

Sigurborg Egilsdóttir með eig. Geitavíkur.

Gísli Benediktsson á Hofströnd.

Lesið fyrir manntalsþingsrétti að Desjarmýri 4. júlí 1884 og innfært í landamerkbók Norður-Múlasýslu, bls. 57-58.

Einar Thorlacius.

Gjald til landsjóðs:

- | | |
|---------------|------------------------|
| a. þinglýsing | 0,75 |
| b. bókun | 0,25 |
| | = Kr. 1,00 – ein króna |
| | E.Th. |



Jörð: **Gilsárvellir, Borgarfjarðarhreppur, N-Múlasýsla**
 Landamerkbók: **N-Múlasýsla Landamerkbók (1883-1951), bls. 59**
 Tilvísun: **Þí. Sýslumaðurinn í N-Múlasýslu 0000-044 DC/1-1-1**

Nº 70/1884

Landamerki jarðarinnar Gilsárvallar með Gilsárvallahjáleigu: Milli Hvolls og Gilsárvalla ræður lækur frá Fjarðará upp í Mæliskarð, upp Mælihrygg upp austan í Dyrfjall. Milli Hólalands og Gilsárvalla eru landamerki úr vörðu á Aurnum upp í krókinn á Merkilæknum, þar sem hann fellur úr hlíðinni, eptir það ræður lækurinn upp í Mjóadal og þaðan beint upp austan á Tindfellsöxl. Tunguna milli Fjarðarár og Þverár á Gilsárvöllum einn að Merkigarði. – Afréttarland á Gilsárvöllum milli Lambadalsár og Skúmhettuár inn á vörp. – Rekastykki á Gilsárvöllum í Hofstrandarkrók, frá Hvíthellu norður þangað sem hólminn kemur fram undan Láhamrinum niður við sjávarmál. –

Ólafur Stefánsson, Jón Árnason, Eyjólfur Þorkelsson, Kristín Jónsdóttir, Gísli Benediktsson, eigendur jarðarinnar.

Jón Stefánsson, ábúandi Gilsárvalla.

Samþykkt af undirskriftuðum:

Sveinn Guðmundsson í Dölum.

Sigurður Árnason á Hólalandi sem fullmektugur eigandans

Guðrún Stefánsdóttir á Setbergi.

Stefán Benediktsson fyrir hönd Desjamýrarprests.

Lesið fyrir manntalsþingsrétti að Desjamýri 4. júlí 1884 og innfært í landamerkbók Norður-Múlasýslu, bls. 59.

Einar Thorlacius.

Gjald til landsjóðs:

- | | |
|------------------------|------|
| a. þinglýsing | 0,75 |
| b. bókun | 0,25 |
| = Kr. 1,00 – ein króna | |

E.Th.



Jörð: **Hólaland, Borgarfjarðarhreppur, N-Múlasýsla**
Landamerkbók: N-Múlasýsla Landamerkbók (1883-1951), bls. 60
Tilvísun: ÞÍ. Sýslumaðurinn í N-Múlasýslu 0000-044 DC/1-1-1

Nº 71/1884

Landamerkjaskrá fyrir landamörkum jarðarinnar Hólalands.

Að neðan ræður Fjarðará inn í Mýrnesskörð, síðan fjallgarðurinn alla leið þar sem vötn að draga út á ytri Tindfellsöxl; frá Tindfellsöxl ytri beint ofan í Mjóadal framan við háa Hrók; þaðan ræður lækur merkjum ofan að Aur, þangað sem hann fellur í Krók út eptir; síðan úr þeim krók beina stefnu í vörðu, sem stendur við Fjarðará. —

Hólalandi, 4. júlí 1884.

Sigurður Arnason í umboði eigandans

Stefán Jónsson í umboði eigandans.

Þessi landamerki samþykkjum við undirskrifaðir:

Jón Stefánsson á Gilsársvelli

Þorsteinn Ólafsson á Gilsársvelli.

Lesið fyrir manntalsþingsrétti að Desjarmýri 4. júlí 1884 og innfært í landamerkbók Norður-Múlasýslu, bls. 60.

Einar Thorlacius.

Gjald til landsjóðs:

- | | |
|---------------|------------------------|
| a. þinglýsing | 0,75 |
| b. bókun | 0,25 |
| | = Kr. 1,00 – ein króna |

E.Th.



Jörð: **Brúnavík, Borgarfjarðarhreppur, N-Múlasýsla**
 Landamerkjabók: **N-Múlasýsla Landamerkjabók (1883-1951), bls. 61**
 Tilvísun: **ÞÍ. Sýslumaðurinn í N-Múlasýslu 0000-044 DC/1-1-1**

N^o 73/1884

Landamerki Brúnavíkur að innan, eru af Gagnheiði ofan Þrándarhrygg, þaðan út á Svartafell og svo út allar fjallaraðir eftir því sem vötn falla til Víkurinnar og svo út Almenningsröð í mitt Flesjarsund. Og svo að sunnan af Gagnheiði og út fjallaraðir í Æðarsker. Hvalvík á allt sitt land ítölulaust fjallstinda á milli austur í Glettingsgjá. –

Reka norður í Æðarsker, en að austan í vog niður undan Glettingsbrún.

Brúnavík, 3. júlí 1884.

Steinn Sigurðsson.

Samþykkir þessum landamerkjum eru:

Þorsteinn Magnússon í Höfn.

Magnús Benónísson á Glettingsnesi.

Guðni Stefánsson í Kjólsvík.

Einar Sigfússon í Breiðuvík.

Páll Geirmundsson í Breiðuvík

Gísli Benediktsson á Hofsströnd

Snjólfur Sveinsson á Þrándarstöðum.

Lesið fyrir manntalsþingsrétti að Desjarmýri 4. júlí 1884 og innfært í landamerkjabók Norður-Múlasýslu, bls. 61.

Einar Thorlacius.

Gjald til landsjóðs:

a. þinglýsing	0,75
b. bókun	0,25
	= Kr. 1,00 – ein króna
	E.Th.



Jörð: **Njarðvík, Borgarfjarðarhreppur, N-Múlasýsla**
Landamerkjabók: **N-Múlasýsla Landamerkjabók (1883-1951), bls. 89-90**
Tilvísun: **Þf. Sýslumaðurinn í N-Múlasýslu 0000-044 DC/1-1-1**

Nº 48/1885

Landamerki Njarðvíkur:

1. Milli Njarðvíkur og Snotruness: Úr Bölmóðshlein beint upp á fjall og inn eftir vörpum.
2. Milli Njarðvíkur og Geitavíkur: Eftir vörpum þaðan sem Nesland þrýtur.
3. Milli Njarðvíkur og Bakka: Þaðan sem Geitavíkurland þrýtur inn eftir vörpum og eggjum, inn undir Dyrfjöll og inn á Mjóadalsvarp.
4. Milli Njarðvíkur og Hrafnabjarga: Af Mjóadalsvarpi út eggjar norðan megin víkurinnar þangað til Óssland tekur við.
5. Milli Óss og Njarðvíkur: Þaðan sem Hrafnabjargalandi sleppir út vörp og eggjar, út á Gönguskarðsvarp, þaðan út Smátindafjall á Grasdalsvarp, þaðan út eggjar norðan megin dalsins og fram á tanga þann, sem skilur Ólafssand að sunnan og Gripdeild að norðan.

Eftir kaupbréfi frá 1539 á Njarðvíkurkyrkju allan reka á Gripdeild, að undanteknum fjórðung hvalreka, sem Vallanesskyrkja á eftir máldögum Vilchins og Gísla biskups.

Framanskrað landamerki samþykkjum vér undrskrifaðir.

Armann Egilsson, Sigurborg Egilsdóttir, eigendur Snotruness og Geitavíkur.

Stefán Árnason eig. Hrafnabjarga.

Bergur Jónsson umráðamaður Vallanesskyrkju.

Stefán Benediktsson meðeigandi Bakka.

Fyrir eigin hönd og meðeigenda:

Njarðvík, 1. júlí 1885.

Sigurður Jónsson.

Þinglýst á Desjarmýrarmanntalsþingi 14. ágúst 1885 og innfært í landamerkjabók Norður-Múlasýslu, bls. 89-90.

Einar Thorlacius

Gjald til landsjóðs:

- | | |
|---------------|------------------------|
| a. þinglýsing | 0,75 |
| b. bókun | 0,25 |
| | = Kr. 1,00 – ein króna |

E.Th.

Þetta er stafrétt uppskrift úr frumheimild. Sé ósamræmi á milli uppskriftar og frumheimildar, gildir frumheimildin.



Jörð: **Unaós, Hjaltastaðarhreppur, N-Múlasýsla**
 Landamerkjabók: **N-Múlasýsla Landamerkjabók (1883-1951), bls. 96-97**
 Tilvísun: **ÞÍ. Sýslumaðurinn í N-Múlasýslu 0000-044 DC/1-1-1**

Nº 9/1886.

Landamerki Unaóss ásamt afbýlinu Heyskálum eru þessi: Milli Hrafnabjarga og Óss ræður Knarará alla leið frá Selfljóti upp í svo nefnd Geldingaskörð, þaðan, eða frá Geldingaskörðum og út eftir eggjum.

Aftur eru mörkin norðan Selfljóts milli Gagnstaðar og Heyskála þessi: Úr Selfljótsbakka móts við miðjan Bjarglandssárós beint neðsta heygarð og eftir sömu stefnu til sjávar.

Milli Óss og Njarðvíkur; þaðan sem Hrafnabjargarland sleppur út vörp og eggjar út á Gönguskarðsvarp, þaðan út Smátindafjall í Grasdalsvarp, þaðan út eggjar norðan megin dalsins og fram á tanga þann, sem skilur Ólafssand að sunnan og Gripdeild að norðan.

Eftir máldögum Vilchins og Gísla biskups á Vallanesskirkja fjórðung hvalreka í Gripdeild, er liggur milli Selvogsness og Ólafssands.

Ofanrituð landamerki samþykkir umráðamaður Vallanesskirkju.

Vallanesi, 8. maí 1885.

B. Jónsson.

Ofanskriafaða landamerkjaskrá samþykkjum við undirskrifaðir.

Sigurður Jónsson, Björn Sigurðsson eigendur og ábúendur Njarðvíkur.

Framanskrifuð landamerki milli Hrafnabjarga og Njarðvíkur og svo milli Heyskála og Gagnstaðarlunda samþykki ég undirskrifaður sem eigandi og ábúandi

Stefán Árnason í Gagnstöð.

Þinglýst á rannantalsþingi að Hjaltastað 2. júní 1886 og innfært í landamerkjabók Norður-Múlasýslu, bls. 96-97.

Einar Thorlacius

Gjald til landsjóðs:

- | | |
|------------------------|------|
| a. þinglýsing | 0,75 |
| b. bókun | 0,25 |
| = Kr. 1,00 – ein króna | |

E.Th.



Jörð: **Glettinganes, Borgarfjarðarhreppur, N-Múlasýsla**
Landamerkjabók: **N-Múlasýsla Landamerkjabók (1883-1951), bls. 97**
Tilvísun: **ÞÍ. Sýslumaðurinn í N-Múlasýslu 0000-044 DC/1-1-1**

Nº 10/1886.

Glettingsnes á land uppá á Glettingsbrún, og reka að norðan í Vog niður undan Glettingsbrún, en að sunnanverðu reka í Klöpp, sem stendur við Löngumalarenda að sunnanverðu.

Magnús Benónísson (ábúandi á Glettingsnesi)

Steinn Sigurðsson (eigandi Brúnarvíkur)

Guðni Stefánsson, (ábúandi Kjólsvíkur)

Jón Sveinsson.

Þinglýst á rannantalsþingi að Desjarmýri 5. júlí 1886 og innfærð í landamerkjabók Norður-Múlasýslu, bls. 97.

Einar Thorlacius

Gjald til landsjóðs:

a. þinglýsing	0,75
b. bókun	0,25
	= Kr. 1,00 – ein króna
	E.Th.



Jörð: **Brimnes, Seyðisfjarðarhreppur, N-Múlasýsla**
Landamerkjabók: N-Múlasýsla Landamerkjabók (1883-1951), bls. 103-104
Tilvísun: ÞÍ. Sýslumaðurinn í N-Múlasýslu 0000-044 DC/1-1-1

Nº 1/1889.

Brimness

landamerki eru: Hið innra milli Dvergasteins og Brimness í Markhellu og er krossmark klappað í innri Markhellubrún við sjóinn, en þaðan ræður sjónhendingalína upp í fjallsbrún, untanvert við hæstu egg þar upp af, og er skammt fyrir ofan Markhelluna hlaðin 1 varða úr grjóti, sem miðuð frá krossmarkinu á fjallið sýnir stefnuna.

Hið ytra ræður landamerkjum milli Brimness og Hjálmárstrandar, eignar Dvergasteinskirkju, svo nefnt Grímkelsgil úr fjöru upp á fjallsbrún.

Hér í milli á Brimnes allt land frá sjó upp á fjall þar til er vötnum hallar.

Brimnesi, 29. maí 1889.

Sigurður Jónsson (eigandi Brimness).

Landamerki þessi samþykki eg fyrir hönd Dvergasteinskirkju.

Björn Þorláksson.

Þinglýst á Seyðisfjarðarmanntalsþingi 1. júní 1889 og innfærð í landamerkjabók Norður-Múlasýslu bls. 103-104

Einar Thorlacius.

Gjald til landsjóðs:

a. þinglýsing	0,75
b. bókun	0,25
	= Kr. 1,00 – ein króna
	E.Th.



Jörð: **Stóra-Breiðavík, Borgarfjarðarhreppur, N-Múlasýsla**
 Landamerkjabók: **N-Múlasýsla Landamerkjabók (1883-1951), bls. 104-105**
 Tilvísun: **ÞÍ. Sýslumaðurinn í N-Múlasýslu 0000-044 DC/1-1-1**

Nº 1/1890
 Landamerki

Stóru-Breiðuvíkur í Borgarfjarðarhreppi, sem er eign Klyppstaðarkirkju, eru þessi:

Merkin liggja að sunnanverðu úr sjávarmáli frá þeim stað, þar sem Brunkutindur ber yfir Bringuhorn, þaðan beint í Bringuhorn, sem er melur austan við Víkurána, því næst upp eftir ánni í innra Gæsavatn, að því búnu úr miðju þessu Gæsavatni upp í Hvítahnjúk, þaðan úr eftir eggjum yfir Gagnheiði á Súlutind, af Súlutindi á Háahrygg og þaðan eftir vörpum út á Grenmóskoll og niður að sjó. Héðan og að landamerkjum hennar að sunnanveðu til móts við Litlu-Breiðuvík á hún allan reka, að undantekinni Karlasteinsfjöru eða þeim 2 básum, sem kallaðir eru nyrðri og syðri Hvalfjara, svo og Svínavík milli Skipavogs og Litlaness, þar sem reki er dæmdur Húsavíkurkirkju.

Dvergasteini, 10. október 1889

Björn Þorláksson.

Framanskriðu landamerki samþykkingum vör undirskrifaðir.

Vestdalseyri, 12. október 1889.

Fyrir hönd eiganda Litluvíkur Sigurður Jónsson.

Sveinn Sigurðsson (eig. Brúnavíkur)

Guðni Stefánsson (ábúandi Kjólsvíkur)

Fyrir hönd Desjamýrarkirkju: Einar Vigfússon.

Innfært til þinglýsingar 11. apríl 1890 í landamerkjabók Norður-Múlasýslu bls. 104-105.

Einar Thorlacius.

Þinglýst á Desjamýrar-manntalsþingi 31. júlí 1890.

Einar Thorlacius.

Gjald til landsjóðs:

- | | |
|---------------|------------------------|
| a. þinglýsing | 0,75 |
| b. bókun | 0,25 |
| | = Kr. 1,00 – ein króna |

E.Th.



Jörð: **Sævarendi, Loðmundarfjarðarhreppur, N-Múlasýsla**
Landamerkbók: **N-Múlasýsla Landamerkbók (1883-1951), bls. 106-107**
Tilvísun: **Þí. Sýslumaðurinn í N-Múlasýslu 0000-044 DC/1-1-1**

Nº 3/1890.
Landamerki

kirkjujarðarinnar Sævarenda í Loðmundarfirði eru þessi:

Hofsá greinir land hennar frá landi Úlfsstaða allt frá Fjarðará til fjalls. Síðan liggur merkjalínan um fjallseggjar eftir því sem vötnum hallar að upptölum Hjálmár, sem allt til sjávar skilur land Sævarenda og Hjálmárstrandar. Að norðanverðu frá ósi Hofsár ræður Fjarðará merkjum allt þar til er kemur að þeirri línu, er dregin verður úr flæðarmáli beint yfir Melrakkapúfu (hún er neðan við varptjarnir) í Álfastein þann, sem yztur stendur á brekkunni framan við Norðdalsá. Síðan ræður þessi lína merkjum í sjó út milli Sævarenda og Stakkahlíðar. Í Fjarðaránni eru 2 hólmar: Krúhólmi undan túninu á Sævarenda og Stórhólmi, og tilheyra þeir báðir Sævarenda.

Dvergasteini, 4. marz 1890
Björn Þorláksson.

Ofanskrifuð landamerki samþykki eg:
Hallfreðarstöðum, 6. marz 1890
Páll Ólafsson.

Ofanskrifuð landamerki samþykki eg:
Úlfsstöðum, 5. apríl 1890.
Jón Þorleifsson

Innfært til þinglýsingar 11. apríl 1890 í landamerkbók Norður-Múlasýslu bls. 106.
Einar Thorlacius.

Þinglýst á Seyðirfjarðarmanntalsþingi 17. júní 1890.
Einar Thorlacius

Gjald til landsjóðs:

a. þinglýsing	0,75
b. bókun	0,25
	= Kr. 1,00 – ein króna
	E.Th.



Jörð: **Desjarmýri, Borgarfjarðarhreppur, N-Múlasýsla**
 Landamerkjabók: N-Múlasýsla Landamerkjabók (1883-1951), bls. 139-142
 Tilvísun: ÞÍ. Sýslumaðurinn í N-Múlasýslu 0000-044 DC/1-1-1

Nº 7/1891

Landamerki jarðarinnar Desjarmýrar með hjáleigunum Þrándarstöðum og Setbergi eru þessi:

Að sunnanverðu til móts við Húsavík úr fjalli því, er Náttmálafjall heitir beint á Húsavíkurheiðarvarp og eptir því eins og vötnum deilir, og síðan beina sjónhending í fremra eða stærra Gæsavatn. Úr miðju Gæsavatni upp á svonefnda „Hvítuhnjúka“, og þaðan út öll vörp út á Gagnheiði, sem er á milli Stóru- og Litlu-Breiðuvíkur og Borgarfjarðar. Þaðan skilur svonefndur „Þrándarhryggur“ land Desjarmýrar frá Brúnavík. Landamerki milli Desjarmýrar og Hofstrandar eru úr mið strípnum á svonefndum Grenishæðum, sjónhending ofan í miðja Fólaldsgjót, og þaðan beint í Fjarðará.

Að norðanverðu ræður Fjarðará, allt þangað til Þverá fellur í hana, en úr því ræður Þverá, þangað til Skúmhattardalsá fellur í hana, en þaðan ræður Skúmhattardalsá alla leið inn og suður í fjöll.

Kirkjan að Desjarmýri á samkvæmt máldögum Vilchins, Gísla, visitatiu Brynjólfs biskups Sveinssonar 1645 þessi ítök: Þriðjung í viðreka undir Uxafelli allan viðreka í Hellisvík frá drang þeim, er stendur gegnt Rúnaskála, og inn til þess drangs, sem næstur út Laxá. Hvalreka hálfann í Hellisvík, og svo hvar sem kemur inn til drangs, viðreka allan og allan hvalreka í Mariúbás. Saltfjöru í Geitarvík milli lækja. Fiskivist að Ölduhamri, Sauðabeit út á sand. XXX Sauðabeit í Hafnarlandi og hellisskjól. Hálfann viðreka og hvalreka út á sandi. Hún á tveggja manna ágöngu á hval í Kjólsvík. Hún á 4. hverja vætt í hvalreka í Mariufjöru frá Laxá. Hún á allan viðreka og hálfann hvalreka út frá drang og inn til Kambs. Kirkjan á ennfremur 30 sauðabeit í Háukinn í Snotrunesslandi og tveggja hrossagöngu í Bakkaþýfi og taka ei undan folöld. Hún á einnig 14 feta torfgröf í Jökulsárlandi árlega og 8. hverja vætt í hval í Uxafellsfjöru.

Desjarmýri, 17. maí 1890.

Sem umráðamaður Desjarmýrarkirkju

Einar Vigfússon.

Framanskriðu landamerki Desjarmýrar til móts við Húsavík og Stóru-breiðuvík samþykki jeg

Dvergasteini 22. apríl 1890

Björn Þorláksson

Framanskriðu landamerki milli Desjarmýrar og Litluvíkur samþykki jeg hjer með.

Vestdalseyri, 19. júní 1890

Þetta er stafrétt uppskrift úr frumheimild. Sé ósamræmi á milli uppskriftar og frumheimildar, gildir frumheimildin.



fyrir hönd Jóns Arnesens Sigurður Jónsson.

Framanskriðuð landamerki samþykki jeg sem eigandi Dallands.

Dallandi, 22. júní 1890.

Ólafur Kjartansson.

Framanskriðuð landamerki samþykki jeg hjer með

Dallandsparti, júní 23/6 90

Jón Björnsson

Þessi landamerki samþykkjast hjer með.

Hofströnd, 11. júlí 1890.

Guðlaug Sigfúsdóttir

Framangreind landamerki samþykki jeg sem eigandi Brúnavíkur.

Brúnavík, 25. júlí 1890.

Steinn Sigurðsson.

Þessi landamerkjaskrá samþykki jeg sem eigandi og umráðamaður Snortuness. –

Snotrunesi, 11. júlí 1890

Ármann Egilsson.

Framanritaða ítakaskrá samþykki jeg

Geitavík, 26. júlí 1890.

Jóhannes Jónsson.

Framanskriðuð ítök samþykkjum við sem sameigendur Bakka.

Runólfur Þorsteinsson, Egill Árnason.

Þessa landamerkjaskrá samþykki jeg sem umráðamaður og eigandi Gilsárvalla.

p.t. Desjarmýri, 27. júlí 1890

Jón Stefánsson.

Fyrir hönd sóknarprestisins í Vallanesi, séra Bergs Jónssonar



Þorsteinn Magnússon eptir fullmakt.

Hjer með gef jeg herra hreppstjóra Þorsteini Magnússyni í Höfn fullmakt til fyrir mína hönd að undirskrifa ítakaskrá Desjarmýrar kirkju í Borgarfirði; hvað snertir hvalreka í Maríufjöru í Hafnarlandi á þann hátt sem til er tekið í Wilchins máldaga, þar sem svo er tiltekið að Desjarmýrarkirkja eigi fjórðu hverja vætt hvalreka í Maríufjöru, en aptur er sagt í visitatíu Brynjólfs biskups Sveinssonar að Desjarmýrarkirkja eigi 9^{du} hverja vætt í hvalreka í Maríufjöru, og ber þetta ekki saman við Wilchinsmáldaga, en með þessu er þó gefin viðurkenning um, að kirkjan eigi hvalreka í Maríufjöru.

Vallanesi, 25. júnímán. 1890

B. Jónsson.

Þinglýst á Desjarmýrarmanntalsþingi 29. júní 1891 og innfært í landamerkjabók Norður-Múlasýslu bls. 139-142.

Einar Thorlacius.

Gjald til landsjóðs:

þinglýsing	kr. 0,75
bókun	kr. 0,25
	= Kr. 1,00 – ein króna
	E.Th.



Jörð: **Álftavík og Nes, Borgarfjarðarhreppur/Loðmundarfjarðarhreppur, N-Múlasýsla**
 Landamerkbók: **N-Múlasýsla Landamerkbók (1883-1951), bls. 145-147**
 Tilvísun: **Þí. Sýslumaðurinn í N-Múlasýslu 0000-044 DC/1-1-1**

N^o 11/1891

Útskrift úr dómsmálabók Norður-Múlasýslu

Ár 1890, fimmtudaginn 29. ágúst var aukarjettur Norður-Múlasýslu settur á skrifstofu sýslunnar og haldinn af sýslumanni Einari Thorlacius með meðdómsmönnum Sigurði Stefánssyni, Birni Hermannssyni, Runólfi Þorsteinssyni og Einari Eiríkssyni; var þar þá í landamerkjamálinu:

Jónas P. Hallgrímsson, sem eigandi Álptavíkur

gegn

Páli Ólafssyni, sem umráðamanni þjóðjarðarinnar Ness í Loðmundarfirði

út af ágreiningi um landamerki

upp kveðinn svolátandi

Dómur:

Því dæmist rjett að vera:

Landamerki milli Álptavíkur í Borgarfirði og Ness í Loðmundarfirði skulu vera þessi: Úr „Stallkletti“, sem stendur fast við sjó, utan við svokallaða „Innri-Álptavík“, en framan eða vestan við svokallaðann „Höfðasand“ og þaðan beint upp fjallsröð upp á „Miðmundarfjallskoll“, sem er yzta og hæsta fjall milli Húsavíkur og Ness, og þaðan inn eptir fjallseggjum inn á svokallaða „Sandskeið“, sem er efst á fjallinu á veginum yfir Nesháls.

Af málskostnaði, sem er 58 kr. 91 eyrir, borgi sóknaraðili helminginn, eða 29 kr. 46 aur., en varnaraðili hinn helminginn, eða 29 kr. 46 aura. –

Hið ídæmda ber að greiða innan 15 daga frá löglegri birtingu dómsins. Undir aðför að lögum.

Einar Thorlacius

Sig. Stefánsson, Björn Hermannsson, Runólfur Þorsteinsson, Einar Eiríksson

Dómur þessi var hátt upplesinn í rjettinum, er síðan var sagt upp. –

Einar Thorlacius.

Sig. Stefánsson, Björn Hermannsson, Runólfur Þorsteinsson, Einar Eiríksson

Rjetta útskrift staðfestir

Einar Thorlacius



Innfært til þinglýsingar í landamerkjabók Norður-Múlasýslu hinn 24. júlí 1891, bls. 145-146.

Mjer sýnd 10/7 92.

J. Havsteen amtm.

Þinglýst á Seyðisfjarðarmanntalsþingi 16. júní 1892. –

Einar Thorlacius

Gjald til landsjóðs:

þinglýsing	kr. 0,75
bókun	kr. 0,25
	= Kr. 1,00 – ein króna
	E.Th.



Jörð: **Húsavík, Borgarfjarðarhreppur, N-Múlasýsla**
 Landamerkjabók: **N-Múlasýsla Landamerkjabók (1883-1951), bls. 151**
 Tilvísun: **ÞÍ. Sýslumaðurinn í N-Múlasýslu 0000-044 DC/1-1-1**

Nº 2/1893

Landamerki

kirkjujarðarinnar Húsavíkur í Borgarfirði – en það eru jarðirnar Húsavík, Hólshús, Dalland, Dallandspartur, Álptavík og Litla-Breiðavík – eru þessi:

að sunnanverðu til móts við Nesland í Loðmundarfirði úr sjó yfir Stigaklett, er áður kallaðist Stallklettur, fyrir innan svo kallaða innri Álptavík beint á fjall upp, síðan eptir vatnalínu á Sandskeið, þaðan upp á fjalli Skæling, og þar næst fram og norður eptir fjallgörðum á fjall, er heitir Skúmhöttur, að því búnu eptir vatnalínu á fjallgörðunum innan við Húsavík beina leið til Borgarfjarðar allt á Náttmálafjall, þaðan eptir Húsavíkurheiðarvarpi eptir því sem vötnum hallar, og síðan beina sjónhending í fremra eða stærra Gæsavatn, og úr Gæsavatni beint í á þá, er rennur millum Breiðuvíkna og út eptir henni allt að svokölluðu Melshorni eða Bringu sunna við ána, og því næst beint til sjóar eptir línu eða beinni stefnu úr Báلكi eða Brunku, sem er tindur á fjallinu milli Breiðuvíkur og Borgarfjarðar, yfir Melshornið eða Bringu.

Kirkjan í Húsavík á samkvæmt máldögum Vilkins, Gísla visitaziubók Brynjólfs biskups Sveinssonar 1655, Jón biskups Árnasonar 1727, Ólafs biskups Gíslasonar 1748, Hannesar biskups Finnssonar 1780, þessi ítök: 16 hluta úr Ósreka í Hjaltastaðarþinghá, og áttung suður frá Greispgjá til almenningafjöru (þetta er hvorttveggja undir Hafnarbjargi í Borgarfirði) undir Vogsfjöllum, alla Kallasteins- eða Kaldasteinsfjöru og allan reka í Svínavík (þetta hvorttveggja í Stóru-Breiðuvík)

Dvergasteini, 17. maí 1887.

Fyrir hönd síra Jónasar Hallgrímssonar á Skorrastað eiganda Húsavíkur, Hólshúsa og Álptavíkur

Björn Þorláksson

Dallandi og Dallandsparti, 21. júní 1887.

Ólafur Kjartansson eigandi Dallands.

Kristín Sæbjörnsdóttir eigandi Dallandsparts.

Vestdaldeyri, 17. maí 1887.

Fyrir hönd eiganda Litlu-Breiðuvíkur, Jóns Arnesens

Sigurður Jónsson.



Að hálfu Desjarmýrarkirkju, er á land á löngu svæði til móts við Húsavík, samþykkist hið framanritaða

Desjarmýri, 18. maí 1887.

Einar Vigfússon.

Sem umsjónamaður Klyppstaðarkirkju, er á land til móts við Húsavík á fleirum stöðum, samþykki jeg hið framanritaða.

Klyppstað, 21. júní 1887

Finnur Þorsteinsson.

Lagt fram í aukarjetti Norður-Múlasýslu 27. júní 1889 –

Einar Thorlacius.

Lesið fyrir manntalsþingsrjetti á Seyðisfjarðaröldu 2. júní og að Desjarmýri 24. júní 1893, og innfært í landamerkjabók Norður-Múlasýslu, bls. 151-152. –

Einar Thorlacius.

Gjald til landsjóðs:

þinglýsing kr. 0,75

bókun kr. 0,25

= Kr. 1,00 – ein króna

E.Th.



Jörð: **Hrafnkelsstaðir og Vallholt, Fljótsdalshreppur, N-Múlasýsla**
 Landamerkjabók: **N-Múlasýsla Landamerkjabók (1921-1979), bls. 172**
 Tilvísun: **Þí. Sýslumaðurinn í N-Múlasýslu 0000-044 DC/1-2-1**

Hrafnkelsstaðir I í Fljótsdalshr.

Útdráttur úr landskiptagjörð (^{Ltr.} Z. 23)

#

Ár 1937 taka synir mínir Jóns og Eiríkur að sér greiðslu á eftirstöðvum lánsins við Ræktunarsjóð Íslands, Reykjavík, sem þá er 6155 krónur og verða fyrir það eigendur að 1/3 parti af jörðinni hvor og að gripahúsum þeim, sem á hverjum parti standa. Bæjarhús, sem jörðinni fylgdu þegar hún var keypt skiptast í réttu hlutfalli, þ.e. þrjá jafna parts til eigendanna eftir samkomulagi.

Jörðin skiptist þannig:

#

Heimaland, eigandi Methúsalem J. Kjerulf, nær frá mörkum Brattagerðislands að framan út að gróf framan í Vörðuholti í ytri enda á Breiðahjallakletti síðan út með túngirðingu út í Hálsgirðingu, með henni uppá Bláarás. Þaðan bein stefna í ytri enda á Tófuaxlarkletti síðan inn austur Hálsbrún inn í Smalaskála.

#

Hrafnkelsstöðum, 20. júní 1939

Eiríkur M. Kjerulf

Methúsalem J. Kjerulf

Jón M. Kjerulf

Hrafnkelsstaðir II í Fljótsdalshr.

Útdráttur úr landskiptagjörð (Ltr. Z. 23)

#

(Um aðdraganda skipta, hlutastærðir og lýsingu. Sjá að ofan)

Jörðin skiptist þannig:

Brattagerðisland, eigandi Jón M. Kjerulf, nær frá landamerkjum Viðivalla og Hrafnkelsstaða út að túngarði í fremri enda á Lambhúskletti í Skipabotnslæk, bein stefna í ytri enda á neðri Tóuhallskletti, síðan ræður Skipabotnslækur að norður-Hálsbrún, þaðan stefna framan við Smalaskála, síðan fram Smalaskálaöldu allt að landamörkum.



Innan girðinga fylgja Brattagerðislandi Hesthústún út að lind, Neðra tún upp að reiðgötu og Botn og Nes utan Bæjarlækjar, neðan reiðgötu, út í graslá fram og niður af Grænastekk.

#

Hrafnkelsstöðum, 20. júní 1939

Eiríkur M. Kjerulf

Methúsalem J. Kjerulf

Jón M. Kjerulf

Vallholtt í Fljótsdalshr.

Útdráttur úr landskiptagjörð (Ltr. Z. 23)

#

(Um aðdraganda skipta, hlutastærðir og lýsingu. Sjá Hrafnkelsstaði I)

Jörðin skiptist þannig:

#

Hrólfsgerðisland, eignandi Eiríkur M. Kjerúlf, nær frá mörkum heimalands, sem að framan eru skráð út að Gilsá. Landið frá Hálsgirðingu austan austur-Hálsbrúnar og Smalaskálaöldu er óskipt og hafa allir rétt til að nota það til beitar og heyskapar að 1/3 hvor. – Hálfur Hamborgartangi, sem nú er eign seljanda, Methúsalems J. Kjerulf, skiptist í 3 jafna parta til heimajarðanna, þegar hann hættir búskap.

Hrafnkelsstöðum, 20. júní 1939

Eiríkur M. Kjerúlf

Methúsalem J. Kjerúlf

Jón M. Kjerúlf



Jörð: **Hvalvík, Borgarfjarðarhreppur, N-Múlasýsla**
 Landamerkjabók: **N-Múlasýsla Landamerkjabók (1921-1979), bls. 117**
 Tilvísun: **ÞÍ. Sýslumaðurinn í N-Múlasýslu 0000-044 DC/1-2-1**

Landamerkjabref.

Landamerki Brúnavíkur og Hvalvíkur sem er sameign, eru þessi:

Að sunnan úr næsta vog sunnan við Gusugilsfjöru, í Glettingsbrún, utan við Glettingsgrjót. Þaðan eftir röðum á Glettingskoll. Svo eftir hæstu fjallaröðum á Súlutind. Og svo eftir fjallsröð á Gagnheiði, þaðan norður Þrándarhrygg í miðtind strýp á Grenishæðum. Þaðan út fjallsraðir eftir því sem vötn falla til víkurinnar á Stekk^{hvamms}fell; þaðan austur Almenningsröð og í mitt Almenningsflesjarsund.

Brúnavík 25. janúar 1922

S. Filippusson eigandi

Eigendi Hofstrandar: Sigfús Gíslason

Magnús Þorsteinsson eigandi að Höfn

Guðmundur Magnússon eigandi Kjólsvíkur

Vigfús I. Sigurðsson prestur á Desjarmýri.

Fyrir hönd eiganda Breiðuvíkur Bjarni Sveinsson

Undirskrift vantar frá forsvarsmanni Glettingsness

Bjargi 31. janúar 1922.

Hannes Sigurðsson

Þinglesið á Borgarfjarðarmanntalsþingi 17. júlí 1922.

Gjöld:

Þingl.gj.	kr. 3.00
Stimpilgj.	kr. 1.00
Samtals	kr. 4.00 – fjórar krónur – Greitt. A.A.



Jörð: **Hvannstóð, Borgarfjarðarhreppur, N-Múlasýsla**
 Landamerkbók: N-Múlasýsla Landamerkbók (1921-1979), bls. 110-111
 Tilvísun: ÞÍ. Sýslumaðurinn í N-Múlasýslu 0000-044 DC/1-2-1

Landamerki jarðarinnar Hvannstóð í Borgarfjarðarhreppi í Norður-Múlasýslu.

Að norðan ræður forn landamerkjagarður er nær á milli Fjarðará og Þverá; að austan ræður Þverá og síðan Lambadalsá uppá fjallseggjar; að vestan ræður Fjarðará frá áður umgetnum merkjagarði og uppí svonefnd Mýrnesskörð, síðan ráða að sunnan fjallseggjar milli Fjarðará og Lambadalsár. Jörðin á reka í svonefndum Hvannstóðsbas í Snotruneslandi í sama hreppi.

Seyðisfirði 24. nóvember 1921
 Benedikt Jónasson (eigandi jarðarinnar)

Vér undirritaðir eigendur og umráðamenn jarða þeirra, er að landi jarðarinnar „Hvannstóð“ liggja, erum samþykkir framanskráðum landamerkjum, og staðfestum það með undirskrift vorri.

Borgarfirði 23. desember 1921
 Vigfús I. Sigurðsson (umráðamaður Desjarmýrarkirkju)

Fyrir hönd eiganda Hólalands – Margrétar Jóhannesdóttur – Andrés Jónsson.

Vegna Gilsárvalla erum vér, undirritaðir eigendur jarðarinnar, landamerkjum þessum samþykkir.

Jón Stefánsson, Magnús Þorsteinsson, H. Ásgrímsson
 Árni Ísaksson, eigandi Hólalandshjáleigu.

Þinglesið á Borgarfjarðarmanntalsþingi 17/7 1922.

Gjöld:

Þingl.gj.	kr. 3.00
Stimpilgj.	kr. 1.00
Samtals	kr. 4.00
- fjórar krónur – Greitt A.A.	



Jörð: **Kjólsvík, Borgarfjarðarhreppur, N-Múlasýsla**
Landamerkbók: **N-Múlasýsla Landamerkbók (1921-1979), bls. 117-118**
Tilvísun: **Þí. Sýslumaðurinn í N-Múlasýslu 0000-044 DC/1-2-1**

Landamerkbref jarðarinnar Kjólsvík í Borgarfjarðarhreppi.

Á milli Kjólsvíkur og Stóru-Breiðuvíkur eru landamerki þannig: Af Súlutindi á Háahrygg út eftir vörpum yfir Grenmóskoll, þaðan út á Stóratind ofan röð á Flugahorn, þaðan beint í sjó.

Á milli Kjólsvíkur og Brúnavíkur (Hvalvíkur) úr Súlutindi út hæstu fjallaraðir á Glettingskoll þar sem hann er hæstur. Á milli Kjólsvíkur og Glettingsness skilur bein lína af Glettingskolli á klett syðst á svokallaðri Löngumöl.

Kjólsvík 20. desember 1921

Eigandi jarðarinnar: Guðmundur Magnússon

Fyrir hönd eiganda Stóru-Breiðuvíkur: Páll Sveinsson

Undirskrift vantar frá eiganda Brúnavíkur, og forsvarsmanni Glettingsness.

Bjargi 31. janúar 1922.

Hannes Sigurðsson

Þinglesið á Borgarfjarðarmanntalsþingi 17. júlí 1922.

Gjöld:

Þingl.gj.	kr. 3.00
Stimpilgj.	kr. 1.00
Samtals	kr. 4.00 – fjórar krónur – Greitt. A.A.



Jörð: **Litla-Breiðavík, Borgarfjarðarhreppur, N-Múlasýsla**
 Landamerkjabók: **N-Múlasýsla Landamerkjabók (1921-1979), bls. 119-120**
 Tilvísun: **Þí. Sýslumaðurinn í N-Múlasýslu 0000-044 DC/1-2-1**

Landamerki jarðarinnar Litla-Breiðuvík í Borgarfjarðarhreppi í Norður-Múlasýslu.

Úr Gríðarnestá, þeirri er skagar lengst í sjó, beina stefnu í Sólfjallstind. Ræður svo Sólfjallið, síðan Leirufjallið landamerkjum, miðað við fjallseggjar inn á Hvítserkshnúk. Úr honum beina stefnu í fremra eða stærra Gæsavatn, og úr Gæsavatni beint í á þá, er rennur millum Breiðuvíknar og út eftir henni, alt að svokölluðu Melshorni eða Bringu sunnan við ána, og því næst beint til sjávar eftir línu eða beinni stefnu úr Bálki eða Brunku, sem er tindur á fjallinu milli Breiðuvíkur og Borgarfjarðar yfir Melshornið eða Bringu.

Jörðin á part í Húsavíkurkirkju, hlutfallslega við jarðirnar Húsavík, Hólshús, Dalland, Dallandspart og Álftavík eftir hundraðatali.

Kirkjan í Húsavík á samkvæmt máldögum Vilkins, Gísla, vísitazubók Brynjólfs biskups Sveinssonar 1655, Jóns biskups Árnasonar 1727, Ólafs biskups Gíslasonar 1748, Hannesar biskups Finnssonar 1780 þessi ítök: 16 hluta úr Ósreka í Hjaltastaðapinghá, og áttung suður frá Greipsgjá, til Almenningsfjörü (þetta er hvorttveggja undir Hafnarbjargi í Borgarfirði) undir Vogsfjöllum, alla Kallasteins eða Kaldasteinsfjörü og allan reka í Svínavík (þetta hvort tveggja í Stóru-Breiðuvík)

p.t. Húsavík 15. desember 1921

Fyrir hönd eiganda Litlu-Breiðuvíkur, Jóns Arnesens

Jón Stefánsson

Framanrituð landamerki samþykkjum vér undirritaðir.

Húsavík 15. desember 1921

Árni J. Sigurðsson (eigandi Húsavíkur)

Elís Guðjónsson ábúandi Hólshúsa

Sveinn Pálsson eigandi Dallands

Björn Sveinsson eigandi á Dallandsparti

Fyrir hönd eiganda Stóru-Breiðuvíkur: Páll Sveinsson

Vigfús I. Sigurðsson (prestur á Desjarmýri.

Þinglesið á Borgarfjarðarmanntalsþingi 17. júlí 1922.

Gjöld:

Þingl.gj. kr. 3.00

Þetta er stafrétt uppskrift úr frumheimild. Sé ósamræmi á milli uppskriftar og frumheimildar, gildir frumheimildin.



Stimpilgj.	kr. 1.00
Samtals	kr. 4.00
– fjórar krónur – Greitt. A.A.	



Jörð: **Vestdalur, Seyðisfjarðarhreppur, N-Múlasýsla**
Landamerkjabók: N-Múlasýsla Landamerkjabók (1921-1979), bls. 125
Tilvísun: Þf. Sýslumaðurinn í N-Múlasýslu 0000-044 DC/1-2-1

Landamerki jarðarinnar Vestdalur í Seyðisfjarðarkaupstað.

Samkvæmt merkjadómi 26. sept. 1883, ræður Grýta landmerkjum að austan, gagnvart Dvergasteinslandi, upp eftir hinum gamla farvegi sínum, utan við býlið Eiríksstaði, þaðan skáhalt í neðri enda svonefnds Grafgils, síðan upp eftir nefndu gili og beina stefnu úr efri enda þess upp á fjallseggjar.

Að suðvestan og vestan ræður Vestdalsá, fyrst gagnvart Vestdalseyri þangað sem Vestdalsá steypist fram af svo nefndum Arnarklettum (efri Vestdalseyrarfoss) og síðan þaðan, gagnvart Fjarðarlandi, að upptökum árinna og þaðan beinalínu eftir síðast nefndri stefnu árinna og upp á hæstu fjallseggjar.

Að norðan ráða svo hæstu fjallseggjar milli framanskraðra merkja að vestan og austan.

Seyðisfirði 5. desember 1921

Í umboði eiganda jarðarinnar, Bened. Jónasson

Vér undirritaðir eigendur og umráðamenn nærliggjandi landa, viðurkennum framanskrað landamerki rétt að vera og ritum því til staðfestu eiginhandar nöfn vor hér undir.

Seyðisfirði 5. desember 1921

Umráðamaður Dvergasteins Björn Þorláksson prestur á Dvergasteini

Eigendur Fjarðar Jón Jónsson

Í umboði eiganda Vestdalseyrar Bened. Jónasson

f.h. Seyðisfjarðarkaupstaðar Ari Arnalds

Þinglesið á Seyðisfjarðarmanntalsþingi 7. júlí 1922.

Gjöld:

Þingl.gj.	kr. 1.00
Stimpilgj.	kr. 1.00
Samtals.	kr. 4.00 – fjórar krónur – Greitt. A.A.



Jörð: **Ytri-Víðivellir, Fljótsdalshreppur, N-Múlasýsla**
 Landamerkjabók: **N-Múlasýsla Landamerkjabók (1921-1979), bls. 110-111**
 Tilvísun: **ÞÍ. Sýslumaðurinn í N-Múlasýslu 0000-044 DC/1-2-1**

Landamerki

milli jarðanna Víðivalla ytri I og Víðivalla ytri II gerð af eigendum nefndra jarða að viðstöddum úttektarmönnum hreppsins þeim Guttormi V. Þormar, hreppstjóra, Geitagerði og Benedikt Friðrikssyni, bónda, Hóli.

Lýsing:

Að neðan, við ármót Jökulsár og Keldár, merkt með landamerkjasteini á eyrinni við Keldá, úr honum bein lína í vörðu á Millukletti, þaðan í Hlíðarhúsalækjargil sunnan við Hlíðarhúsahjalla, með Hlíðarhúsalæk upp í Neðri-Stangarbrún. Þaðan út í Flatahraun. Úr Flatahrauni um Sandgil yfir Víðivallaháls í Gilsárfoss.

Innan landamerkja Víðivalla II er girðing frá Víðivöllum I, sem takmarkast að ofan úr Hlíðarhúsalækjargili inn í Háaklett og að neðan úr landamerkjalínu í Brattamel og að framan úr Brattamel í Háaklett.

Innan landamerkja Víðivalla I er Veturhúsaeyri, sem tilheyrir Víðivöllum II er takmarkast af Mórauðalæk að framan, Illhöfða, að utan, Þjóðvegi að ofan og Jökulsá að neðan.

Skógræktargirðing innan landamerkja Víðivalla I, skiftist að jöfnu milli jarðanna.

Vísast í því sambandi til skiptagerðar, sem er í vörslu Skógræktar ríkisins.

Víðivöllum ytri II 15.7. '79.

Hallgrímur Þórarinsson eigandi að Víðivöllum ytri I.

Þórarinn Rögnvaldsson eigandi að Víðivöllum ytri II.